

A Joannes, monasticus ordo, simul currunt, dum in una persona laudabiliter convenient, dum ex clericis his, quibus licitum est, monachi, et ex monachis probatis clerici sunt; dum non minoris sublimitatis est in clericis evangelizandi gratia, quam in monachis miraculorum potentia; dum non indignus est et apostolorum in verbo ministerium, quam Mariæ audientis et obaudientis silentium; dum hi maris undas, trahentes rete piscium, non minori fortitudine cum Petro superambulant, quam illi suaviter super pectus Jesu cum Joanne recumbunt; dum non minoris celsitudinis in clericis verbi ministris cum Petro et Paulo Victoria tyrannorum et mortium, quam in monachis cum Joanne in insula Pathmos relegato (*Act. 1.*), eremi recessio, et cœlestium visionum crebra et multimoda revelatio. In his, inquam, omnibus aliisque plurimis, quæ nunc enumerare longum est, simul currunt hi duo ordines laudabiliter in Ecclesia et usque in finem sæculi concurrere non desinunt, ambo Deo dilecti, et ambo Deum diligentes.

CAPUT XXXVII.

Ideo hæreticum est pertinaciter defendere, monasticos Ecclesias non debere regere.

Ita ut quis alteri præferendus sit, non in hominum, sed in solius Dei judicio positum sit, nisi quod major in regno cœlorum futurus creditur, qui sanctius, humilius ac probabilius sive de illorum, sive de nostro ordine conversatus invenitur, ubi et multæ viduae et conjugatæ multis episcopis et monachis præponentur, quæ non in æstimatione hominum, magnæ sunt unoquoque accipiente mercedem secundum suum laborem.

CAPUT XXXVIII.

De conversis laicis.

B Adhuc vero etiam in nostris cœnobiosis hi duo ordines canonicorum scilicet et monachorum, Joannes et Petrus, simul currunt, dum apud nos ex laicali conversatione homines illiterati relictis omnibus jugum Christi suscepti convertuntur, qui ad ordinem clericatus promoveri nec possunt nec volunt, sed probabiliter in omni perfectione monastica degunt, manibus suis operantes et carnem suam cum vitiis et concupiscentiis in habitu prænitali crucifigentes, qui etiam more monachorum veste, quæ scapularis dicitur, in quibusdam claustris ad opera succungi consueverunt, ita ut, in quo quidam gloriari videntur, parum eis de sex alarum cherubim volatu pro hac parte similitudinis deesse putetur.

In omnibus his, hi duo, de quibus loquimur, ordines simul currunt, et juncto gressu combinati incedunt, sicut item de Petro et de Joanne legitur, ubi pariter juncti gressu, non alter alterum præcurrendo, sed juncti ambulando, incesserunt. Unde scriptum est : *Et Joannes cum Petro ascendebat in templum ad horam orationis nonam* (*Act. III*), ubi et claudio illi gressus per eorum verba redditus est, qui exsiliens continuo et consolidatis basibus ejus et plantis ambulabat, et intravit cum illis in templum ambulans et exsiliens, et laudans Deum. Et revera, ubi sacerdotalis auctoritas, quæ in Petro intelligitur et monastica sanctitas, quæ per Joannem significatur, sive in una congregatione, sive in una persona juncta sunt, talis coambulatio sine dubio ad laudem et gloriam Dei proficiet, multis que imitatoribus erit in salutem. Amen.

Explicit tractatus ae ordine canonicorum regularium reverendi in Christo patris ac domini, domini Anselmi Havelbergensis Ecclesiae episcopi, Eugenii tertii contemporanei.

ANSELMI HAVELBERGENSIS EPISCOPI EPISTOLA APOLOGETICA PRO ORDINE CANONICORUM REGULARIUM.

(Eusebius AMORT, *Vetus disciplina canonicorum regularium et secularium*, etc. Venetiis 1747, in-4°; t. II, p. 1048.)

MONITUM.

De Anselmo Oudinus *De scriptoribus eccles.* sic scribit : « Anselmus Havelbergensis in marchionatu Brandenburgensi episcopus..... a Lothario II imperatore legatus Constantinopolim ad Græcorum imperatorem missus, inque a sapientioribus episcopis Græcis provocatus celebrem conventionem seu colloquium initit, quod Eugenio III describit. Missus quoque Anselmus fuit ab Eugenio III papa ad Conradum Romanorum imperatorem, etc. Item conventioni inter Fridericum imperatorem et Eugenium III subscri-

psit. Ita Oudinus. Cum autem Lotharius imperator jam obierit anno 1138, quem insecurus est Conradus, ac dein Fridericus, verosimile est, praesentem epistolam apologeticam jam ante annum 1158 scriptam esse; quia post susceptam legationem Constantinopolitanam non videtur illi in perpetuis negotiis superfluisse tempus pro ejusmodi materiis. Attentionem utique absorbusset v. g. opus illud egregium contra Graecos, cuius exemplar manuscriptum etiam reperi apud nostros canonicos Neocellæ in Tiroli. Praesens autem opusculum ex codice ms. communicatum mihi est humanitate h. l. DD. Augustini Eichendorf, nunc laudatissime fungente generalatus munere in congregacione Windesheimensi.

Epistola venerabilis Anselmi Harelbergensis episcopi ad Ecbertum abbatem Huysborgensem contra eos qui importune contendunt, monasticum ordinem dignorem esse in Ecclesia quam canonicum.

Anselmus pauper Christi Havelbergensis vocatus episcopus, Ecberto Huysburgensis cœnobii venerabili abbatи salutem, propter quam Christiani nuncupamur et sumus.

Sicut is, qui ea, quæ charitatis sunt, lege charitatis tractat et administrat, amplectendus est; ita nihilominus e regione, qui contra charitatem nisi tentaverit, officio charitatis monendus est, ne dum decipitur specie recti, ponens lucem tenebras, et tenebras lucem, dulce amarum, et amarum dulce, et dicens malum bonum, et bonum malum, de bono in malum corruat, lucem deserendo, tenebras apprehendat, et quod dulce est respuendo, id quod amarum est, non sano palato degustandum eligat. Nuper, cum more meo solus sederem, et *Epistolarium* beati Hieronymi forte legerem, supervenit quidam frater, et attulit mihi quoddam scriptum. Quod cum ego arripiisset, et tanquam recentium litterarum avidus, subito perlegisse, inveni scriptum illud non tam otiosum quam etiam onerosum, et continuo valde miratus sum prudentiam tanti viri, qui hoc scriptum sic inchoaverit, sic ordinarerit, et sic finierit: Et ecce! titulus ipsius scripti ex improviso apparuit, et te auctorem sui esse innotuit. Deinde studiosus relegens et singula quæque animadvertis inveni quædam superstitionis, et dictu inutilia, quæ tu tamen quibusdam ratiunculis ex opinione adductis, et quibusdam auctoritatibus ad tuum sensum revocatis nisus es approbare. Quantum vero malum sit, quamvis sacram Scripturam suo sensui emancipare, et non potius divinæ Scripturæ suum sensum adaptare, nulli incognitum esse debet qui sacris lectionibus vacare consuevit. Contendis siquidem per divinam Scripturam divinando eam contra divinam Scripturam, et sicut ex verbis tuis colligi potest, asseris universos tam Veteris quam Novi Testamenti fideles monachos suisse, et non vereris aperte dicere: Scripturam illam, quam scribit Lucas evangelista: *Erat illis cor unum et anima una*, etc., etc. (*Act. iv*), ad societatem monachorum, et non potius ad apostolos et eorum asseculas pertinere, inter quos nec nomen quidem monachorum tunc temporis sciebatur, unde et idem liber *Actus apostolorum*, non *Actus monachorum* inscribitur. Adducis etiam quædam verba beati Augustini in psalm. cxxxii: *Ecce quam bonum et quam jucundum habitare in unum*, in quibus ipse quidem apostolicam et communem

A vitam patenter commendat, quæ tu tamen ad monasticam tantummodo professionem satis imperite niteris retrorquere. Dic mihi, frater, nunquid illi quingenti, qui Dominum post resurrectionem viderunt (sicut commemorat apostolus Paulus) monachi erant? nunquid centum viginti, qui simul erant in loco uno post resurrectionem Domini, et ascensionem in cœlum, quibus in uno loco constitutis supervenit Spiritus sanctus in die Pentecostes missus de cœlo, sic missus; sicut promissus; num, inquam, omnes isti monachi erant? quibus tamen jucundum tanquam fratribus habitare in unum. Inseris etiam quædam ex scriptis Joannis Chrysostomi, quæ idcirco recte non potes intelligere, quia charitatem circa monachos tantum restrictam, et non potius B ad omnes Catholicos dilatatam videris habere. Postremo vero nescio cujusdam Roberti doctrinam adnectis, cuius auctoritas, quia in Ecclesia ignoratur, ea facilitate contemnitur, qua probatur: fortasse tamen apud vos magnus habetur, non ob id, quod aliqua magna scripserit, sed ob hoc, quod monachorum abbas exstitit; ego sane quædam scripta illius, fateor, curiosa novitate legi, ipsum etiam novi et vidi, sed pulchre dictum Graecos proverbium in illo verum reperi: *Pinguis venter non gignit tenuem sensum*. Sed, quæso, frater charissime, quare tecum tantum laboras? quare tantopere aereum verberas? quare tanto studio pro monastico ordine, quem nemo sapiens impugnat, disputas? nimis ideo facis, ut aliqua dicendo illis placere, ac pluribus possis innotescere. Sed, ut vulgo dicitur, noli vesicas pro laternis vendere, tu autem hoc non facis, nisi forte pueris simplicibus, indoctis, vel etiam idiotis quæque nova mirantibus; ut quid scribendo fodis cisternas, quæ non valent aquas continere? qua temeritate præsumis aquam turbidam pueris Dei scribendo propinare? qui utique communicantes carni et sanguini Christi non crudum, sicut tu, sed assūm totum agnum edentes, fontem aquæ vivæ in divinis eloquiis quotidie haurire consueverunt. Timeo pro te, et propter Deum, timeo de te, ne forte, dum venerabilem tunicam, quam nemo Christianus, nisi amens impugnat, incassum et otiose defendis, tunicam Christi vestem scilicet charitatis scindere volendo amittas. Miror tamen, utrumne haec faceres, si monachus non es. Ego monachus non sum, attamen monasticum ordinem tecum defendere paratus sum, quippe tot sancti, tot

beati, tot electi, tot perfectis tot Spiritu sancto pleni in illa regula leguntur militasse, quod revera insanitatis capitum, et membrum diaboli eum indubitate constat esse, qui tam laudabili, et tam amplectendo ordini præsumpsit aliquo detrectare, est namque vita monastica, suo tenore conservata, omnino irreprehensibilis, suscipienda, veneranda, optanda, amplectenda, firmando, roboranda, conservanda, et per omnia in celum, tanquam scala peccantium et pœnitentium sustollenda et erigenda.

Verumtamen absit ut perfectio monachorum quidquam minuat perfectioni et sanctitati clericorum, neque enim assentior verbis tuis, frater dulcissime, que ad hæc collegisti et concessisti, ut probares vitam monachorum tanquam digniorem præferendam esse excellentiæ clericorum. Sed antequam tuas huic opinione respondeam, pauca duntaxat volo præmittere, in quibus judicium meum clarius tibi possit illucscere. Ego nec monachum, quia monachus est, bonum dico; sed, quia bonus est, bonum prædico. Ego nec clericum, quia clericus est, bonum dico; sed, quia bonus est, bonum dico, et bonum diligo. Ego nec laicum, quia laicus est, aut bonum aut malum judico; sed, quia bonus aut malus est, aut tanquam bonum probo, aut tanquam malum improbo, non enim personarum acceptore est Deus sed in omni gente, qui timet Deum, et op ratur justitiam, acceptus est illi (Act. iv), qui etiam, ut ait Apostolus, vult omnes homines salvos fieri (I Tim. ii). Proinde eratne sapientis, tot monachorum corda jamdudum a turbine saeculi pacata, scripto commovere, et in disceptationem evocare, et sicut tu dicis, pro dignitate monastici ordinis ad debellandum, ut verum dicam contra neminem frustra exsuscitare? Puto, si potuisses omnes Ægypti et Mesopotamiae monachos, Paulos, Antonios, Hilarios, Macarios, ipsum quoque Patrem, non minus sanctitatem, quam nomine Benedictum, de sonno pacis inutile bellum evocasses, non timens: quod autem non minime timere debueras, quia si illi viverent, te utique reprehensibilem esse convincerent, et non solum tui non essent fautores, verum etiam tuæ imperitiae graves ac districti judices fierent, cum ipsi præsentim cœlestis vitæ tanto fuerint digniores, quanto sub ordine clericali, per quem Ecclesia Dei regitur, humiliores fuisse inveniuntur. Valde enim miror qua fronte, quave temeritate illos tuos dicas esse magistros, te vero illorum discipulum esse glorieris, cum nec tu ad illos, nec illi ad te quidquam pertinere videantur, præter communem Christianitatis legem, qua omnes unum sumus in Christo. Illi pannosi, ut verecundiam carnis vix obtigerent, et asperum frigus utcumque temperarent, contenti fuerunt, tu autem aliter facis; illi famelici victum propriis manibus queritantes, ligonibus et rastris nuncibebant, tu autem non ita facis; illi egentes, tu superabundas; illi afflicti, tu consolationem habes; illi angustiati, tu tranquillam vitam agis;

A illi in solitudinibus errantes, etc., tu in medio tuorum in excelso solio securus sedes, quæ omnia ideo breviter dixi, ne si in comparatione tui et illorum meram veritatem exprimam, charitatem quam ædificare intendo destruam, et vulnus quod sanare proposui magis videar sauciare: potiusque volo ut, ne tecente tu te ipsum considerando comparatione illorum examines, quam me loquentem, et quod verum est, digito licet ingratu monstrarum, et nimis ad vivum lingua resecantem conturberis et irascaris, quem ego semper mansuetum, semper hilarem, semper jucundum, semper benevolum, semper pacificum, et nunquam turbatum videre, et audire et amplecti cupio. Verumtamen in his omnibus, nec tibi, nec alicui modernorum monachorum B nomen aut meritum auferre intendo, præcipue cum ego tanquam peccator habens caput multis obvolutum timoribus, una cum omnium nostrum subsidio cupiam salvari, et in numero pauperum Christi nomine ac merito inveniri. Sed jam nunc ad verba tuæ scripturæ redeamus.

Confusa est, inquis, dignitas monastici ordinis, eo quod quidam Petrus præpositus clericorum canonorum in Hamersleve communem vitam in apostolice institutionis professione degentium monachus factus requiratur, et aī ordinem pristinum, quem certo, sicut ego affirmo, deserere sine causa evidenti, non licuerat, revocatur. O Christianum omni dignitate indignum, de aliqua iniqua dignitate contentiosum! Sed fortasse de dignitate cœlesti C dixisti: est enim dignitas alia cœlestis, alia terrestris: quod si de dignitate terrestri contendis, terrenus es, et certe dignitate te indignum, omni vero bonorum indignatione dignum ostendis; quod si autem de cœlesti dignitate dicendum existimasti, quare lamentaris quod illa sit confusa? que ab omni confusione prorsus est aliena, et omnino liberrima? consequenter ergo verum est, nec illam dignitatem, quæ terrestris est, a bono Christiano esse appetendam, nec illam, quæ cœlestis est, ab aliquo Christianorum credendam vel dicendam nullo modo esse confusam.

Causaris etiam hoc nomen regularis canonicus, et dicis illud esse novum, et ideo contemptibile, quasi necessaria sit illa consequentia, si novum, tunc contemptibile; quod quidem contemptibile argumentum quæ sit contemptibile, nulli, qui syllogistice loqui noverit, est incognitum; equidem omne quod antiquitatem vel vetustatem suscepit, aliquando novum fuisse certissime constat, ideoque non quia novum est aut novum fuit, aliquid plus minusve est contemptibile; nec quia vetus est aut vetus erit, aliquid plus minusve est acceptabile: sed sive vetus sive novum sit aliquid, si tamen bonum est et utile, jure omnibus bonis debet esse acceptabile. Sunt enim antiqua bona, sunt et nova bona, et sunt antiqua mala, et sunt nova mala: et certe, sicut antiquitas vel novitas malorum nullam eis assert auctoritatem, ita nihilominus nulla

antiquitas vel novitas bonorum suam eis auferit dignitatem. Videris etiam quod ibidem non simpliciter, sed astute tanquam per insinuationem commune nomen hoc, quod est clericus, tanquam clericus adulando, et in partem tuam eos trahendo posueris, et ex antiquitate laudaveris : quod ego vereor te idcirco fecisse, non tam ut illos veraciter laudares, quam ut istis, ut salva pace tua dicam, libere deroges; ego tamen, fateor, nescio tibi super hoc verbo respondere, cum hoc verbum, quod est canonicus regularis idem videatur significare, tanquam si quis diceret, regularis regularis, sive canonicus canonicus, nisi forte idem verbum in Latino et in Graeco modernus usus ideo geninare consuevit, ut significationis ingeminatio antiquæ et jam reparatæ religionis firma sit affirmatio, vel aliquofum, qui non tam regulariter vivunt, manifesta distinctio. Quod si prædictus Petrus presbyter jam longo tempore apostolicam vitam professus, et habitu paupertatis induitus, nunc tandem levitate humana, non electione divina descendendo, non ascendendo, se monachum fieri voluit vel fecit, nunquid non jure revocandus est, et ad primam fidem quam irritam fecit reinvitandus, præsertim cum sanctorum Patrum auctoritas hoc fieri inhibeat, et si forte factum fuerit, mutandum censeat et potenter præcipiat ? quibus si quis superciliosæ superstitionis non obediendum putaverit, se ipsum irrecuperabiliter dannat, quoniam sicut dicit beatus Ambrosius : « Quicunque Romanæ Ecclesiæ non concordat, hunc haereticum esse constat. » Urbanus papa et martyr sic dicit : « Mandamus et mandantes universaliter interdicimus, ne quisquam canonicus regulariter professus, nisi, quod absit ! publice lapsus, monachus efficiatur. Quod si decreto nostro contraire præsumens facere tentaverit, ad ordinem canonicum præcipimus ut redeat, et deinceps memoriale præsumptionis suæ cucullam deferrat, et ultimus in choro remaneat. » Item Gelasius episcopus : « Venerunt ad nos fratres quidam canonicam vitam professi, qui dicerent, Patrem suum et cura paternitatis, et habitu canonico, quem professus erat, abjecto, monachorum monasterium omnibus fratribus suis invitis intrasse. Nos autem tantæ novitatis præsumptione turbati statuimus, et statuendo præcipimus quod et ante beatæ memorie Urbanus papa et martyr statuerat, quatenus idem abbas ad claustrum, unde satis inordinate recesserat, rediret sine contradictione ; ita tamen ut, ob notam tantæ præsumptionis suæ cucullam monachicam usque ad obitum suum in eodem loco vel claustro portaret, quod cum fratribus omnibus coram positis optime placere consiperemus, hoc ipsum lege perpetua in ordine canonico Dei omnipotens et apostolorum Petri et Pauli, necnon et nostra auctoritate servari præcipimus. » Item Urbanus secundus : « Statuimus ne professionis canonice quisquam, postquam Dei vice super caput sibi hominem imposuit, alicujus levitatis impulsu seu in-

A stictu, vel districtioris religionis obtentu, ex claustro audeat sine prepositi totiusque congregationis permissione discedere, discedentem vero, et nullus abbatum, nullus monachorum, nullus episcoporum sine communium litterarum cautione suscipiat, auctoritate Dei et nostra interdicimus. » Item alibi : « Reprehensibilem et ecclesiastica emendatione dignum apud aliquos canonicos inolevisse comperimus usum, eo quod contra morem ecclesiasticum cucullas, quibus solis monachis utendum est, induant, cum utique illorum habitum penitus usurpare non debeant, a quorum proposito usus nulla auctoritate approbatur, sed potius ab his, qui sanum sapiunt, merito reprehenditur, et repudiatur, oportet, ut abhinc, ne flat penitus inhibitum sit. » Item : B « Evidenti auctoritate liquet canonicam institutionem cæteris præstare institutionibus, ideoque necesse est, qui hujus professionis censemur nomine, procurare, qualiter in semetipsis eamdem institutionem vita et moribus exornent potius quam dehonestent. Quoniam qui tantæ auctoritatis institutione pollent, et se aliis imitabiles præbere delent, verendum est ne si, quod absit ! a proposito exorbitaverint, regno Dei indigni fiant. » Item ex Eduensi concilio : « Nullus abbatum aut monachorum præsumat canonicum regularem suscipere, vel monachum facere, quandiu invenerit claustrum sui ordinis, ubi salvari possit. »

C Proinde, frater amande, conservi enim Dei sumus ambo, velim scire et a te doceri qua ratione, quare auctoritate velis eum, qui bonus est clericus fieri monachum, cum profecto bona vita clericus una cum apostolorum principe, et cum tota illa primitiva et sancta societate bene et audacter secure dicat : *Domine, ecce nos reliquinus omnia, et secuti sumus te, quid ergo erit nobis ?* (Matth. xix.) Quid si vendidit omnia, et dedit pauperibus, et jam nudus sequitur Christum ? Quid si jam bajulat crucem suam, et ad omnem persecutionem paratus Christum imitatur, et ejus apostolos ? Quid si nihil dixerit vel fecerit proprium in hoc mundo, nisi forte peccatum ? Quid si jam renuntiavit omnibus, quæ possidet, et verba vita audiens et disciplinam justitiae apprehendens verum et perfectum Christi se fecit discipulum ? Si, inquam, bonus clericus (de bono enim clericu loquor) haec, quæ scripsi, et alia nihilominus Evangelii mandata perficerit, nonne is ipse sedebit cum duodecim judicantibus duodecim tribus Israel ? (*ibid.*) Nonne ipse Christus Salvator, et perfectæ salutis dator faciet illum discubere inter discipulos, et transiens ministrabit illis ? *Ubi sum ego, inquit, illuc et minister meus erit* (Joan. xii). Dic ergo, si potes, nunquid alicubi Deus fidelis promisit monacho, quod nisi fiat monachus, daturum se, negaverit clericu ? Ego sane nec in evangelicis præmissionibus, nec alicubi in toto divinæ Scripturaræ pelago me hoc leguisse recolo, nec ab aliquibus, qui hoc legerint, me audivisse reminiscor. Quamobrem liceat, obsecro te, unicuique licentia tua,

manere in vocatione, qua vocatus est, et ne præsumas ordinem ecclesiasticum ad exemplar eorum, quæ visa sunt in monte divinitus institutum, sub obtentu religionis disturbare; magis autem pacem, cum omnibus, qui in domo Dei sunt, cum omni humilitate, et Christiana societate sectare, ne dum occasione tua vel cuiuslibet alterius religio religionem altrinsecus judicat, juxta verba Evangelii dominus supra domum cadat, et perniciosum in Ecclesia Dei scandalum fiat. Sed fortasse dicis, sæpe te vidiisse, sæpe etiam audiisse, plerunque insuper legisse, quod aliqui clericorum ad monasticum ordinem et habitum transierint, et e regione versa vice aliqui monachorum in clericatum assumpti sint. Fateor, dilectissime mi, et ego talia vidi, et audivi, et facta legi, sed non solum quid factum sit, sed qualiter quoque factum sit, vel in Ecclesia Dei quotidie fiat, diligenter considerandum est. Si enim clericus, antequam transit ad monasterium, hoc factum est vel etiam toleratum est, solummodo discretione permissionis, non antem lege vel regula ecclesiastice institutionis: cum interdum ille, aut vero necessarius, aut inutilis, aut ecclesiastice disciplinæ et canonicæ obedientiæ superbus contemptor, aut saecularis vitæ lubricus sectator, et protinus prævaricator, aut etiam damnosus forte sibi et aliis fuerit in Ecclesia, quales etiam in concilio Toletano quinto, can. 49, non prohibentur fieri monachi.

Qualiter vero juxta districtam et antiquam ecclesiastice institutionis normam, clericum aliquem sit necesse fieri monachum, tam multa sanctorum exempla docent, ubi inveniuntur clerici criminosi et infames ecclesiastica censura a sacris ordinibus degradati, sive etiam suspensi ad plangenda deinceps peccata sua in monasterium retrusi, ac per hoc liquidum constat, et nulli sanum cerebrum habenti dubium est quin canonorum ordo sublimior sit in Ecclesia quam monachorum, cum criminosi ab isto tanquam rei projiciantur, et in illum tanquam damnati, et inviti mœrentes et flentes ad poenam et ad poenitentiam retrudantur. Quis autem adeo demens, ut nunquam dixerit se vidiisse quod monachii criminosi et infames (nam et ex illis filii tenebrarum nasci possunt) a monastico ordine, tanquam a superiori projicerentur, et in canonicum ordinem tanquam inferiorem et abjecti reciperentur? Eapropter, quando quilibet clericus canonica professione obstrictus, et sponsione proprii oris ad crucem obedientiæ obligatus, alligatus, quid enim mihi de vagis et solutis ac acephalis clericis? nam in circuitu impii ambulant (*Psal. xi*), si, inquam, ut sæpe dixi, bonus clericus aliqua levitate, ut fieri potest, ductus, fugiens arcam viam, quæ dicit ad patriam (*Matt. vii*), monasterium petierit, et monachum se fieri postulaverit, plane dico, patenter dico, et si quis est, qui hoc ignorat, cum nullum arbitratur, securus doceo, non est suscipiens, sed ad sunum præsepe, unde vagus et profugus, rupto fune

A obedientiæ aberraverat, libere remittendus, si autem sive per ignorantiam, quia non omnium est scientia, sive per præsumptionem, quod pejus est, et usurpationem susceptus, et monachus factus fuerit, cum sanctis Romanis pontificibus in Ecclesia et cum Ecclesia apertissime dico, et fiderem clamo, eum esse revocandum et secundum tenorem a sanctis Patribus, qui hoc fieri vetuerunt, prescriptum in priorem ordinem, quem stulta et superstitione devotione deseruerat, restituendum. Econtra vero si monachus suæ religionis propositum inviolabiliter tenuerit; si sub Regula beati Benedicti obedienter militaverit; si crebris lectionibus in sensu divinæ Scripturæ exercitatus utilem se Ecclesiæ Dei præbuerit, exemplo beati Gregorii magni theologi clero vel Ecclesia vocante ad sacerdotium, vel etiam ad pontificatum etiam utiliter promoveri potest, ut os, quod humiliiter clausuram prius, in medio Ecclesiæ deinceps utiliter aperiat, et ut bonus homo de bono thesauro proferat bonum (*Matt. xii*). Verumtamen, quotiescumque sit, juxta præcedentium Patrum ordinationem fieri debet, ita videlicet, ut habitum monasticum nequaquam abjiciat, sed absconditum ferat canonica instructus doctrina, stolam et orarium semper superindutum habeat, canticum graduum, quod ante de tribulatione clamans ad Dominum lugubriter decantabat, deinceps deponet, et ab octonario Beati immaculati (*Psal. cxviii*), jam in veram octavam transiens cum clericis divinis officiis assuescat, et exerceat, et per omnia tam habitu quam officio sese jam clericum factum esse in manifesto regulariter ostendat, absconsa quidem subtus et intus nigra veste ob mœrem humanæ conditionis, seu infirmitatis et mortalitatis; ostensa vero foris, et apparente semper linea et alba veste, propter novitatem vitæ et candorem resurrectionis, quam nimur tanto ardenter populo Dei de cætero debet prædicare, quanto verius constat, illum hoc, ut præficeretur, bonis operibus præ ceteris meruisse.

C Proin jam nunc in medium veniat ille noster et vester Hieronymus, noster quidem presbyter, vester autem monachus vere non alta sapiens, sed humilibus consentiens (*Rom. xii*), nequaquam tertiae linguae, qui nunc temporis apud plerosque in detractionem sibilat sectator, sed trium linguarum eruditissimus indagator; veniat, inquam, in medium, et quid de clericis, quidve de monachis sentiendum dictaverit, in commune proferat, et volumen mihi, et tibi et omnibus universaliter legendum sine verecundia expandat. Sic enim scribit ad Heliodorum: « Absit, ut quidquam sinistri de his loquar, qui apostolico gradu succedentes, Christi corpus sacro ore consciunt, per quos nos etiam Christiani sumus; qui claves regni cœlorum habentes, quodammodo ante judicij diem judicant, qui sponsam Domini sobria castitate conservant! Sed alia, ut ante perstrinxí, monachi causa est, alia clerici; clerici ovēs pascunt, ego pascor; illi ac

altario vivunt, mihi quasi infructuosæ arbori se-curis ponitur ad radicem, si munus ad altare non defero, nec possum obtendere paupertatem, cum in Evangelio anum viduam duo quoque, quæ sibi sola supererant æra, mittentem laudaverit, mihi ante presbyterum sedere non licet, illi si peccavero, licet tradere me Satanae in interitum carnis, ut spiritus salvus fiat in die Domini Iesu Christi. » Et infra : « Quod si te quoque ad eumdem ordinem pia fratrum blandimenta sollicitant, gaudeo de ascensu, timeo de lapsu. » Item beatus Augustinus : « Vix, inquit, perfectus monachus bonum clericum facit. »

Vide, frater, ut ea, quæ a tantis viris humiliter scripta sunt, tu quoque humiliter legas. Sed fortasse post tantas auctoritates animus tuns mavult esse adhuc dubius, quam de his quæ invitus credit, certus, ideoque ut tibi ad credendum tardo ac difficili nihil desit, ubi præcessit auctoritatis, ibi inconclusæ rationis subsequatur firma veritas. Esto interim igitur verum, quod dicis, et attende paullisper. Monasticam professionem omnibus aliis professionibus asseris esse dignorem. Item subiungis exemplo beati Gregorii, et aliorum quam plurium monachos licite posse transire ad ordinem clericorum, bene dicis; bene, inquam, videris dicere, sed Juste illaqueatus es verbis oris tui. Aut enim verum est, monasticum cælestis ordinibus esse dignorem, et ab illo non licet transire in clericatus ordinem : aut si transire licet, consequenter verum est ordinem illum a quo transitur vere non esse dignorem; nemo enim cuiquam, nisi forte publice lapso de digniore ad indignorem ordinem transeundum censem. Elige ergo quod vis, aut ecclesiasticis ordinibus prorsus exutus, et sola ac simplici monastica dignitate contentus vive, aut si ab illa ad ecclesiasticos ordines et dignitates ascendendum tibi licitum putas, te interim humiliter inferiorem, clericum jam veraciter superiorum tecum, et cum tota Ecclesia consitere; alioquin necessario vinceris in talem incidisse sententiam, ut dicas et doceas quod monachus, qui desiderat esse clericus, omnino studiat esse vitiosus : quod quam sit absurdum et reprehensibile judicent tam monachi quam clerici, qui utique hactenus tanto viciniores esse sacris ordinibus prædicabantur, quanto melioris vita inveniebantur.

Adhuc ergo jam tandem muta sententiam, quam potius videris somniasse, quam aliqua auctoritate vel ratione probare. Quod autem de miraculis beati Benedicti in litteris tuis gloriaris, cum tamen miracula non sint in exemplum trahenda, miror quare apostolos et insinuat eorum turbam, qui eos imitantur, et vestigiis eorum inharent, non mireris, per quos Deus tot et tanta fecit, et facit miracula, ut ea enumerare nulla unquam sufficiant ingenia. Quod vero scripsisti ex dialogo B. Gregorii, eumdem venetabilem Benedictum presbyterum, qui vexatus est a diabolo ante assumptum presbyter-

A ratum, officio altaris interdixisse, profecto non hoc fecit auctoritate judicandi, sed utilitate consulendi tanquam spiritu propheticō præsciens, quod esset illi male futurum, qui tam salubre tanti viri præteriret consilium. Quod autem ex eodem dialogo subscribis, eum quasdam sorores sanctimoniales excommunicasse, et ob hoc arbitraris eum hanc auctoritatem ecclesiastice censuræ habuisse, non recte considerasti, qui fidelis illam excommunicationis sententiam non proferendo, sed intentando intulit; quas etiam sorores postmodum vera auctoritate sacerdotali, non lege ecclesiastica, utpote defunctas, sed oblatione, quam pro illis fecit, absolvit; imo potius a Deo absolutas cognovit et cæteris indicavit. Ego aliquo tempore, cum essem in Romana Ecclesia vidi et audivi quemdam abbatem de Claravalle veste hispidum, macie confectum, dignum utique Deo virum, non falsum, sed certum beati Benedicti discipulum ex mandato Romani pontificis Innocentii II, magni et incomparabilis viri, inter clericos assidentes verba divinæ Scripturæ explanando disserere, quod tamen magis fecit ex obedientia pontificali quam ex officio sacerdotali. Præterea, ut de me quoque non sileam, qui utique de me ipso tanquam peccator, et sigillum divinæ Scriptura solvere nesciens, humiliter sentire debeo. Idem S. Rom. Ecclesiae pontifex, dum collectas et missarum solemnia in Nativitate Dei genitricis Mariæ celebraret, me, qui tunc forte aderam, vocavit. C et ut archidiaconus lecto Evangelio tacuisset, me in analogium sive ambonem ascendere jussit, ut, eo etiam præsente, et cunctis ad audiendum avidis, verbum doctrinæ et exhortationis ficerem. Quod et pro modulo meo secundum datam mihi a Deo gratiam feci, non tam mea, licet essem episcops, auctoritate, quam illius, cui me oportuit humiliter in omnibus obedire. Ergo ne trahenda sint in exemplum ea, quæ sunt interdum utili dispensatione, interdum discreta permissione, interdum etiam speciali jussione adversus ea, quæ immobili lege, et invincibili auctoritate roborantur Absit!

Perlatum est etiam ad nos, quod tu aliquorum auribus instillare non timeas, vel etiam interdum apud aliquos dicere non erubescas, quod canonici regulares nec parochias tenere, nec enram animarum in populo dirigere debeant. Quod si verum est, de prudentia tua vehementissime admiror; quis, quicunque hoc asserere contendit, cum tamen nullum sapientem hoc arbitrer sentire, manifestum est hoc eum facere potius livore canonici ordinis quam amore veritatis; qui enim recte sapit, omnes sacerdotes potius ad regularem vitam invitat, quam regulariter viventes a Dominicarum ovium custodia penitus removeat, quibus tanto plus diligere debet aliena malitia, quanto longius discessisse dignoscuntur a sua, cui tamen tanto securius credenda correctio vitæ alienæ, quanto majorem diligenciam attribuit corrigendæ vitæ sue: nequaquam enim canonico ordini in Ecclesia, sicut olive plu-

rimū fructificanti indigna fieri debet injuria. Patet etiam communis usus totius Ecclesiae. quod sicut nullus monachorum in archidiaconatum vel archipresbyteratum, vel in aliquam parochiam assumitur; ita nullus canonicus regularis a judicis ecclesiasticis, aut synodalibus causis, aut gerenda cura animarum, sive a quolibet officio vel dignitate ecclesiastica removetur, verum etiam a rudi populo plerumque expeditus, eligitur, assumitur, et tanquam lucerna in caliginoso loco lucens, et verbo et exemplo docens diligitur et honoratur. Quicunque igitur suæ malevolentiae volens satisfacere, canonico ordini in hoc detrahere tentaverit, quid dicat, quare dicat, contra quem dicat, prorsus ignorare, vel tanquam omnium scripturarum imperitissimum sola invidia bonimalitiōe exæstuarē [constat]. Cum vero opportunum fuerit, de hoc verbo plenius aliquid semelis respondebo, quod desuper mihi insinuabitur, ut et *dentes eorum in ore ipsorum conterantur* (*Psalm. LVI*), et deposita caligine invidiæ vel ignorantiae resipiscant, et corrigantr. Porro jamjam procedamus, et tam ad verba tua, quam quorundam monachorum respondeamus, qui se tantum contemplativo jactitant, ut saltem hoc modo, quasi favente sibi, sicut eis videtur divina Scriptura clericis nunc in activa vita sudantibus, tunc in contemplativam vitam se erigentibus superciliosi nimis se præferant, qui ut, præstante Domino, aut sic essent activi, ut contemplativos non calcarent, aut sic essent et contemplativi et activi, ut nec illos nec ipatos spernerent, sed potius tempore sanctæ contemplationis bonos activos amarent, et rursus tempore bonæ actionis sanctos contemplativos diligenter. Sed tam mihi quam tibi valde metuendum est, frater charissime, ne dum altrinsecus de his quæ certis limitibus a sanctis Patribus in summa theologia proficiens tractata sunt, scribendo disputamus, et contemplativa vita, et in activa vita offendamus, et charitatem, quam mutuo ædificare debueramus, invicem provocando destruamus. Sed in Domino confido, quia *charitas, quæ diffusa est in cordibus nostris per inhabitantem Spiritum* (*Rom. v*), *patiens est, benigna est, non æmutatur, non inflatur, non irritatur, non cogitat malum, congaudet veritati, omnia sustinet*, etc. (*I Cor. XIII*). Quod si tu, quia monachus es, sacrificium torturum offerre præsumis, non tibi vile, nec contemplabile minus videatur, si ego, qui sum clericus et pauper Christi, hostiam pauperum, pullos videlicet columbarum ad templum Domini humiliiter offero. Proin jam videamus, si vel Veteris vel Novi Testamenti insignes præcones in activa vita laudabiliter viventes, ejus, quæ dicitur contemplativa, ullo modo fuerint expertes, ut sic nuncuparentur activi, quod etiam manifestissime non possent vocari contemplativi. Abel primus justus pastor ovium, typum gerens pastorum animarum a contemplatione diuina nullo modo expers fuisse credendus est, cuius bona munera a bono Deo narrantur accepta (*Gen. PATROL. CLXXXVIII.*

A iv). Noe justus (*Gen. vi*), rector arcæ ecclesiastice, quomodo a contemplatione divina potuit esse alienus, per quem et cum quo Deus salutem illorum disposuit, quos in diluvio perire noluit? Abraham tam carne, quam fide pater multarum gentium (*Gen. XVII*), nunc in Ur Chaldæorum, nunc in aliquo montium, nunc in terra Chanaan seu in aliis quibuslibet locis legitur Dominum contemplatus esse, et ejus familiari allocutione beatificatus. Jacob pater duodecim patriarcharum in Rachel et Lia utriusque vitæ, contemplativæ scilicet et activæ, figuram gerens, facie ad faciem Dominum vidisse legitur (*Gen. XXXII*), et angelos per scalam ascendentibus et descendentes, ipsum quoque Dominum cœlesti scale innixum coelitus contemplatus fuisse (*Gen. XXVIII*). Moyses, cum pasceret oves Jetro socii sui sacerdotis Madian, et minasset gregem ad interiora deserti, venit ad montem Dei Horeb, apparetque ei Dominus in flamma ignis de medio rubi et videbat quod rubus ardebat, et non combureretur. Dixit ergo: *Vadam, et visionem hanc magnam videbo* (*Exod. iii*). O magna visio! o ingens contemplatio! quomodo contemplativus non fuit, qui exordium nostræ in rubo ardente et non comburente, tanquam in ipsa beata virgine Maria sine concupiscentia carnali prægnante tam longe prævidit? Idem Moyses post unum dux populi Dei factus in montem vocatur a contentioso populo caligine interposita, contemplatione et allocutione divina de lege ac regimine populi, de ordinatione sacerdotii et dispositione tabernaculi fœderis instruitur, et tanquam famulus in tota domo Dei per cœlestium contemplationem ad terrestrium actionem divinitus docetur, et aptus præparatur, cum quo etiam Dominus, sicut amicus ad amicum locutus fuisse legitur. Omnia, inquit, fac ad exemplar eorum quæ vidi in monte (*Exod. xxv*). Josue et Caleb ejusdem populi duces, dum ad terram promissionis explorandam et contemplandam vadunt, contemplativorum secreta cœlestis patriæ rimantium figuram apte gerunt, qui etiam ad populum redeuntes, et botrum in vecte reportantes ad occupandam fertilissimam terram animos omnium viriliter excitaverunt, et tanquam boni doctores in Ecclesia Dei virtutis **B** exemplum seipso, præcedendo populum, præbuerunt (*Num. XIII*). David rex et propheta, nec regnum, cui bene præfuit, propter prophetiam neglexit, nec prophetiam, qua humiliter abundavit, propter regnum bene administratum perdidit, unde et multa vice succedente gratia modo perfectus contemplativus, modo perfectus activus exstitit, quod et testimonio divino probatur: *Inveni, inquit Dominus, David filium Jesse secundum cor meum* (*Act. xv*). Quis credit Danielem virum desideriorum in medio Babylonis a contemplatione divina fuisse prorsus alienum? (*Dan. XI*) Quis æstimet tres pueros in caminum ignis missos contemplativos non fuisse, qui etiam Filium Dei secum in fornace meruerunt habere? (*Dan. III*), et Ezechiel de sanctis animalibus

ita loquitur : *Ibant et revertebantur* (*Ezech. i*) ; *actioni inserviendo*. Ad eumdem quoque prophetam Dominus dicit : *Egressere in campum, et includere in medio domus tuae* (*Ezech. iii*). Quid est egredi in campum, nisi ad prædicandum populo in medium exire? et quid est in medio domus includi, nisi in ipsa prædicatione mentis custodiam tenere, et tanquam clausum spiritualiter vitæ gaudium intra se contemplando conservare?

Ecce vides patres priores absque omni ambiguitate interdum contemplativam, interdum vero activam vitam cum omni perfectione tenuisse, unde et quidam illorum propter crebras visiones secretorum Dei, quæ videbant, et populo vel jam facta, vel futura prænuntiabant, *Videntes appellati sunt*. Illi præcedebant, et in vecte Veteris Testamenti pretiosum botrum post dorsum gestantes, quamvis non viderent multa, tamen de ipso figuraliter et cognoverunt fidelerit.

Sed quid putas, isti qui secuti sunt, et in vecte Novi Testamenti eumdem dulcissimum botrum, jam in fine sæculorum futurum ante se gesserunt, et tanquam sequentes coram positum beatis oculis aspicerunt; quid, inquam, putas, quantum isti novierint, quantum gaudium habuerint, quanto contemplationis desiderio flagraverint, quibus etiam ipse botrus omni divinitatis dulcedine plenus, Dei scilicet Filius in torculari crucis calcatus aliquando dixisse legitur : *Beati oculi, qui vident quæ vos videtis, multi reges et prophetæ voluerunt videre quæ videtis, et non viderunt; et audire quæ auditis et non audierunt* (*Matth. xiii*), manifeste docens ea quæ illis in figura contingebant, istos revelata jamicie videre. Proinde idem ipse Dei et hominis Filius Jesus Christus caput Ecclesiæ catholice, caput contemplativorum, caput omnium activorum, districtus judex omnium superborum, amator et conservator omnium humilium, spiritualis gratiæ voluntarius et benevolus ac spontaneus dator, et datae gratiæ largus et munificus ac sufficiens et copiosus remunerator, qui *operatus est salutem in medio terræ* (*Psal. lxxii*), utrumne tibi videtur suisse contemplativus an activus, an potius et contemplativus ac activus?

Intendat charitas tua, mecum solerter et humiliter considera, Dominus noster Jesus Christus, juxta veritatem Evangelii, et tamen secundum tropologiam satis in Ecclesia notam et usitatam, apud duas sorores Martham scilicet et Mariam est hospitans, quarum altera Martha scilicet dum circa frequens ministerium satagebat, activam vitam non inconvenienter significabat; Maria vero dum secus pedes Domini sedens verbum illius avidissime audiebat, contemplativam vitam non incongrue figurabat; de qua etiam, cum Dominus diceret: *Maria optimam partem elegit, quæ non auferetur ab ea* (*Luc. x*), nunquid optimam partem intelligi voluit, comparatione sui ipsius et Marthæ, an potius non

A sui, sed solius Marthæ? Jesus Christus sedens docebat, docens doctorum personam gerebat. Maria sedens silenter et devote verbum illius audiebat, Martha erga plurima turbata sollicite ministrabat, intendat charitas tua. Christus docens, Maria audiens, Martha ministrans tres sunt personæ: quæ harum trium tibi videtur esse dignior? Tria sunt officia, quid horum trium tibi videtur esse dignius? sed scio et sine ulla dubitatione certus sum, te fateri personam Jesu utrisque esse digniorem. Quia ergo personam Jesu utrisque digniorem esse constat, profecto officium quoque ejus dignissimum suisse nemo dubitat. Quomodo ergo Maria optimam partem comparatione Jesu, qui, præsens aderat, elegerit, tu, si potes, ostende; ergo verbum hoc B ab ore Veritatis processisse de Mariæ ad Martham respectu ipsius Marthæ puto, neque enim facile, imo nullo modo crediderim Mariam audientem, et non potius Jesum docentem optimam partem elegisse, quamvis etiam Veritatis testimonio verum esse necesse sit, quod Maria optimam partem elegerit, siquidem ut verum est, referatur ad eos, qui in Ecclesia Dei tantum sunt in ordine auditorum, non autem doctorum; unde et apte dictum est, *elegit*: nam subditæ silentium et quietem et locum audiendi sibi laudabiliter possunt eligere, officium vero docendi per se non debent eligere, sed ab aliis ad hoc, si digni fuerint, sunt eligendi.

Sicut ergo illud apud nonnullos est laudabile, ita hoc apud plerosque est reprehensibile. Verumtamen jam timeo de te, quoniam cogitationes hominum vanæ sunt (*Psal. xciii*), ne fallaris, et forte putas Christum nec contemplativum nec activum sissem, præsertim cum nec officium Mariæ audientis, nec Marthæ ministrantis, sed officium magistri docentis videatur habuisse. At vero si eo diligentius consideres, quæ cœpit Jesus facere et docere, patenter apparebit quod propheta magnus, qui surrexit in nobis, per quem et in quo visitavit Deus plebem suam (*Luc. vii*), propter nos perfectissimus, activus et excelsior cœlis pro nobis contemplativus fuit. Dicit Evangelium: *Jesus autem plenus spiritu sancto regressus est a Jordane, et augebatur in spiritu in deserto diebus quadraginta* (*Matth. iv*). Item: *Ascendit Jesus in montem solus orare* (*Matth. xiv*). Item:

Sublevatis oculis in cœlum dixit: Confiteor tibi, Pater, etc. (*Matth. xi*). Item: *Egressus Jesus ibat secundum consuetudinem in montem Olivarum, et avulsus a discipulis, quantum est jactus lapidis, positis genibus orabat, dicens: Pater, si vis, transfer calicem istum a me; verumtamen non mea voluntas fiat, sed tua. Apparuit autem illi angélus de cœlo confortans eum, et factus in agonia prolixius orabat* (*Luc. xxii*). Item: *Assumpsit Jesus Petrum, et Jacobum, et Joannem fratrem ejus, et duxit illos in montem excelsum, et transfiguratus est ante eos, etc.* (*Matth. xvii*). O divina contemplatio! O secretorum Dei magna revelatio! O beatæ resurrectionis in Moyse et Elia, qui ibidem apparuerunt, mani-

festa confirmatio ! O futuræ et inæstimabilis gloriæ rara et admirabilis , et ultra quam dici possit, delectabilis repræsentatio ! nimirum si tu , qui de contemplativa vita tua adeo et toties gloriaris, ibi fuisses, et Filium Dei in tanta gloria contemplatus essem, nequaquam tam excellentissimam visionem tandi, sicut cæteri, qui ibi esse meruerunt apostoli, ad mandatum Domini conticuisses ; sed plus in te, et de te, qui hoc vidisses, quam in iHō, qui hoc fecit, gloriareris : præsertim cum nec multa inferiora videndo conservos tuos aspernari videaris, de quorum visione et contemplatione tibi omnino incognitum est. Item de Jesu evangelica Scriptura dicit : qui in templo, sive in monte, sive in navela turbas docebat; cæcos illuminabat, leprosos mundabat, infirmos curabat, dæmonia ejiciebat (*Matth. xi*), paralyticos sanabat (*Matth. iv*), scribas et Phariseos reprehendebat, alias ex patre diabolo dicens esse, zelum habens divinum, arguebat (*Joan. viii*).

Ecce Dei Filius forma summæ contemplationis, forma perfectæ actionis, utriusque vita in una sua persona exemplum gessit, et omnibus Christianis, et præcipue suis apostolis normam recte vivendi factis et dictis seipsum præbuit; non videtur esse necesse, ubi post Christum, qui est caput omnium Christianorum, apostolorum vitam tibi describam, quia cum ipsis ferventissime mandatis et vestigiis ejus inhærerent, profecto credendum est illos sic vitam suam juxta doctrinam Magistri sui instituisse, ut tanquam beati mundo corde Deum deorum in Sion speculative viderent, interdum vero sicut beati misericordes misericordiam consequi cupientes, proximorum curam prædicando, sanando, curando, evangelizando gererent: nempe apostolus, Paulus Doctor gentium in fide et veritate, qui secure ausus est dicere : *Estote imitatores mei, sicut et ego Christi* (*I Cor. iv*), interdum obliviscitur ea quæ retro sunt, et in anteriora se extendens ad contemplandum Deo mente exedit, interdum ad gerendam subditorum curam, ab illo superno et inebriante divinæ contemplationis pœculo sobrius nec perdens cœlestem amicum, quem in charitate ardentí complexus delectabiliter jam tenuerat, nec negligens proximum, cui propter eamdem charitatem adesse ac providere jam studiebat : nam, ut scriptum est tempus est amplexandi, et tempus est longe fieri ab amplexibus (*Eccle. iii*); idem Paulus omnibus laborans, et ab Jerusalem usque ad Illyricum, Evangelium Jesu Christi active seminans: *Nostra, inquit, conversatio in cœlis est* (*Philip. iii*). Joannes apostolus et evangelista, qui tanquam aquila in sublime volans, et irreverberatis oculis radios veri solis intuens de fonte Dominici pectoris uberrime potavit, et secreta Divinitatis et arcana cœlestium spiritu sapientiae et intellectus repletus, et speciali privilegio divini amoris præditus contemplando penetravit, ipse in activam transiens apud Ephesum et in plu-

Aribus aliis locis Evangelium docuit, ecclesias fundavit, episcopos ordinavit, presbyteros instituit. Ecce animalia Dei sancta in similitudinem fulgoris coruscantis ardent et lucent, vadunt in contemplationem, revertuntur in actionem, nec minuantur, sed augentur merito et in retributione. At vero tu semel in Sancta sanctorum introiens, si tamen adhuc intrasti, summis pontificibus modo ingredientibus, modo egredientibus, tu, inquam, solus, sicut tibi videtur, nunquam es egressus. O ingens ! o magnum ! o sublime ! o incomparabile meritum ! semel Sancta sanctorum intrasti ; si tamen intrasti, et deinceps, sicut tu arbitraris, non existi. O quale et quam singulare continuæ et interminabilis contemplationis privilegium in carne, quod nec ipsi Aaron, nec alicui summorum pontificum, nec ipsis apostolis, qui Dominum in carne viderunt, concessum est ! O ineffabilis beatitudinis virum, solum solis cœlestibus dignum ! optimam partem elegisti, quod sine intermissione pleno gaudio fueris, jam adimpletus es lætitia cum vultu Dei, jamjam delicationes in dextera ejus possides usque in finem (*Psal. xv*), imo ante finem ! quid ergo de cætero tibi sit exspectandum, miror : quod si sic est, bene est, beatus es, cujus cogitationum reliquæ diem festum agunt Domino quotidie (*Psal. LXXV.*). Sed ne fallaris : nam plerumque Satan transferre se in angelum lucis solet, et dum tu, vel quilibet devotus intendit contemplari eum, qui lucem habitat inaccessibilem (*I Tim. vi*), ille invidus animo ad summa tendenti subito accurrit et vera quærenti seipsum dolose ac fallaciter objicit : et quia semper similis vult esse Altissimo, se altissimum nequiter singit, et corda simplicium terrea adhuc inhabitatione caligantia, et spiritus et bonorum summum bonum inquirentes, et ubi sit vita et veritas flagrantissime investigantes, similitudine veri inique decipit ; quippe esca ejus electa, et fiduciam habet, quod influat Jordanis in os ejus. Vide ergo et tu, ne fallaris : invenisti mel, comede quod satis est ; nam *qui scrutator est majestatis, opprimetur a gloria* (*Prov. xxv*).

Fortasse mihi indignaris, qui ausus sum talia verba scribere, præcipue cum tu in tertium cœlum raptus, et in paradiso evectus, solus post Paulum arcana verba soleas audire, *que non licet homini loqui* (*II Cor. xii*); sed mihi videtur quod lux de cœlo a Deo te circumfulserit, et illuminatione sui te in terram prostraverit, ut tremens ac stupens apertis quoque oculis parum aut nihil videoas. Ad manus ergo trahendus es, et a familiaribus tuis custodiendus, quia necessarius tibi est Ananias, qui, jubente Domino, te visitet, et tibi manus correctionis imponat, ut squamis nebulosæ caliginis, quæ clarum tibi lumen hactenus intercludere videbantur, ab oculis tuis cædantibus, visum recipias, et Spiritu sancto implearis, et accepto divinæ Scripturæ cibo ad defendendum conforteris, quod tanquam æmulator monsticarum traditionum non juste, sed temere impugnarè

videbaris. Sed vero inveniemus Ananiam, quem tu arbitris tibi sufficere? Ananias interpretatur *gratia Dei*; illa vero, oro, manus bonæ operationis imponat, illa te jacentem erigat, illa oculos serenæ contemplationis tibi aperiat, illa te ad rationale obsequium in tua professione erudit, et ab inutili et vana veritatis imaginatione te custodiat. Porro, sicut opinor, imo ut verius credo, non omnium monachorum hæc est sententia, quæ tua; quis enim sapiens, quamvis etiam sit monachus, ambigat, monachos tunc non esse contemplativos, quos etiam nullatenus, aut vix tunc dixerim activos, cum quidam eorum foris fora circumeunt, cum de possessionibus contendunt, et ad sacerdotalia negotia transiunt, cum colonos suos extorta pecunia exasperant, cum alii domi, rupio silentio, fabulas et otiosa contextunt, cum omnem religionem considentes dijudicant: cum aliqui Jesum in minimis suis venientem, sicut solent, ut verum fatear, benigne suscipiunt, et frequentes circa officium Marthæ devote satagunt, cum denique alii scribendo, legendō, cantando, modulationi inserviendo quidpiam etiam boni operis et utilitatis monasterii actitant; inter quos, nisi fallor, aliqui adeo simplices sunt, ut aliis foris laborantibus, et pro communi necessitate monasterii utiliter et laudabiliter invigilantibus, id contemplativam vitam esse putant, in claustris scilicet complosis manibus, et contricatis manicis otiose sedere, victum otiosum habere, vestitum otiosum accipere, secure et otiose dormire, de angulo ad angulum suspenso gradu pro libitu deambulare, abscessum et adventum abbatis, et absentiam sive præsentiam prioris astuta inquisitione explorare, ea quæ foris sunt a supervenientibus vaga curiositate investigare, perplexa multiplicitate signorum, lingua tacente manuque inquieta officium ejus usurpante, universa confundere, et, ut breviter includam, omnibus super necessitatem otiose abundare, et abundando otiose vivere. Qui si cursum propriæ voluntatis aliquando viderint impediri, continuo indignantur, et vel clanculo murmurant, vel in aperto pertinaciter obstrepunt, sæpe etiam ad latibula simulata forte patientiam configunt, superbam taciturnitatem sub specie religionis sibi eligunt, jejuna prævæ indignationis potius quam piæ devotionis sine fructu ad tempus sibi imponunt, et dum suæ tentationis miserias et culpas intus excoquunt, et foris confitendo ac poenitendo non aperiunt, calicem propriæ amaritudinis poenaliter bibunt. Inter quos etiam nonnulli turrim fortitudinis et humilitatis ascendentis, suavitatem et convivium contemplatiæ vita: uberrime et avidissime gustantes, interdum vino compunctionis inebriantur, et interdum, sicut adipe et pinguedine repleti spiritualiter delectantur (*Psal. LIX*). Et quidem meum propositum in hac parte hujus epistolæ, non est canonicorum, sive monachorum ordinem, vitam, habitum discutere, vel jampridem descriptum describere, vel occasione quæ epistolæ provocatus volui probabiliter ostendere,

A dere, contemplativam vitam, non solum nec semper esse, vel esse posse indifferenter omnium monachorum, quemadmodum ipsi autumant, unde et speciale nomen et titulum contemplationis sibi præcærter usurpant, verum etiam canonicorum professionem hoc non impedire, quin aliquando trahente gratia ad summam contemplationis arcem devotissime subleventur, quod etiam, ut melius possit fieri in gerenda proxiorum cura plerumque solent mereri. Proin, ut jam patenter videamus et cuilibet, etiam parum sensato, liquido appareat, utrumne ordo canonicus an ordo monasticus, quorum utique, licet utrius boni sint, diversum est vivendi propositum; utrumne, inquam, iste vel ille in Ecclesia Dei magis sit utilis vel necessarius, B constituamus nunc omne genus monachorum prorsus nudum et sine ordinibus ecclesiasticis, sicut antiquitus fuisse constat, et nemo gnarus litterarum dubitat, et subtrahamus interim omne genus clericorum: dic, quæso, frater, quomodo stabit Ecclesia, quæ sine archiepiscopis, episcopis, sine presbyteris, sine diaconibus, sine inferioribus clericorum ordinibus nequidem vocari nec esse potest Ecclesia? Rursus: Tolle interim omne genus monachorum, et in Ecclesia Dei secundum ordinacionem Christi, juxta Apostolum habeamus alios quidem prophetas, alios apostolos, alios vero evangelistas, alios autem pastores et doctores, et alios clericorum ordines: nonne isti sufficiunt ad consummationem sanctorum in opus ministerii in edificationem corporis Christi (*Ephes. iv*), quæ est Ecclesia? quæ tamen, etsi absque monachis nene ac ordinata consistere posset, decentius tamen et pulchrius tanquam varietate circumamicta diversis (*Psal. XLIV*) electorum ordinibus extruitur et decoratur; in qua, sicut bonus et perfectus monachus, plus quam ineptus clericus diligendus est et imitandus; ita bene et regulariter vivens clericus optimo etiam monacho procul dubio semper est præfrendus. Ego sane justum et bonum esse putaverim omnes clericos regulariter vivere, nec quemdam eorum monachum fieri; eos vero, qui regulariter vivere nolunt, aut in ordine suo corrigi et emendari, aut bonos monachos passim omnes licite fieri.

C Jam vero de duobus ordinibus duas probabiles personas eligamus, et ut veritas eorum quæ dicta sunt apertissimeclareat, eas, et earum studia et officia ac merita in alterutrum comparemus: verbi gratia, Paulus apostolus significatur Regis aëterni, dux verbi Dei, vas electionis ad portandum nomen Domini coram regibus et ducibus; disputans semper et suadens de regno Dei; multos Judæorum, plurimos Græcorum, nonnullos etiam Romanorum sive per sermonem, sive per Epistolas ad orthodoxam fidem colligens; non sibi, sed Deo strenue militans; Ecclesiam Christi, quasi a fundamento novo ædificans et plantans; plures ex gentibus legitus Christi tanquam bellator fortis subjiciens; nomen

ac titulum triumphi non sibi, sed Regi saeculorum immortalis, invisibili, soli Deo ascribens; ter virgis cæsus, semel lapidatus, ter naufragium passus, bonum certamen certando; cursum consummando, fidem servando, coronam justitiae sibi repositam sciens, et certus cui crediderit, fideliter exspectando (*II Tim. iv*); ad ultimum Romæ gloriosum martyrum consummavit, multos secum in gloriam adducens, et adhuc hodie per admirabiles Epistolas suas in Ecclesia docens, et fructum afferens, et plurimos fidèles post se trahens. Paulus monachus simplex, humilis, devotus, solitarius, tacitus, timoratus, aspere jejunans, victu tenuis, veste hispidus, oratione sedulus, vigiliis et laboribus attritus, nihil praeter Christum quærens, sibi in Christo sufficiens, de præteritis peccatis lacrymando pœnitens, de futuris pro posse suo studiosissime cavens, in proposito stabilis, sibi soli utilis, in labore perseverans, tandem in pace obdormivit in Domino (*Act. vii*), nec doctrina, nec scripto quemquam, nisi forte aliquem exemplo eremiticæ conversationis suæ invitans. Comparemus ergo hos duos Paulos Christi, uter eorum tibi videtur in Ecclesia Dei sublimior, aut in possidenda præclara hæreditate Domini, finitis laboribus, dignior? nunquid bonum in oculis tuis tibi videtur, quod Paulus noster, omissis apostolatu et neglecto ministerio, quod a Domino acceperat, et in gentibus honorificabat, ad eremum sive ad monasterium descenderet, ubi, tametsi caveret ab otioso verbo, tamen forsitan non vacaret ab otioso silentio? quinimo quam melius et utilius esset, quod Paulus vester, relicta solitudine, si tamen aptus, et ad prædicandum foret electus, ibi ad excolandam Dei vineam, ubi noster Paulus vineam inchoasset, cooperante Christo, propter quem omnia, et per quem omnia, totidem filios Ecclesiæ Dei parturisset, et enutrisset!

Nunc vero pensa laborem utriusque, pensa etiam fructum sive mercedem utriusque, et certe vel Paulum apostolum incomparabiliter præferendum judicabis; aut a communione totius Ecclesiæ iudicio, quod nefas est, solus discrepabis: *Unusquisque enim mercedem accipiet secundum suum laborem* (*I Cor. iii*). Quod si forte mihi dicis quod nec ego, nec quisquam eorum, qui nunc sunt canonici ordinis, similis sit nostro primo Apostolo, verum fateor, verum dicis; sed et ego verum me dicere puto quod nec tu, nec quisquam modernorum monachorum, quem ego noverim, similis sit vestro primo monacho; nec tamen hoc vel illud dicendo divinæ gratiae fontem tunc, et nunc, et semper largissimum alicui fidelium obstruere audeo; quin potius, quoniam tam patens et abundans est omnibus, gaudeo semperque gaudebo.

Verum jam propter quorundam importunitatem, qui sibi solis tantum semper summa, cum non sit summi, vel etiam non soli summi, promittunt, longior facta est epistola quam ego speraverim; sed charitas, quæ me ad scribendum tibi necessario oc-

A casione compulit, legendi tibi dabit otium, et legendi prolixitate tollet tedium. Restat ergo ut beatorum monachorum sancta conquiescat humilitas, et quia Deus omnia conclusit sub peccato, ut omnium misereatur, nec tamen est qui interdum *se abscondat a calore ejus* (*Psal. xviii*), imperfectum nostrum omnes deploremus, et quia *nescit homo utrum odio vel amore dignus sit* (*Eccle. ix*), *sub potenti manu Dei humiliemur* (*I Petr. v*), et *dum tempus habemus* (*Galat. vi*), *præoccupemus faciem ejus in confessione* (*Psal. xciv*), sollicite carentes, ne de ordine sic inordinate contendamus, ut de omni beatorum ordine merito corruamus, et in elationem prolapsi, et in fratrum aemulationem per Satanam circumventi et abducti, frustra Christiani simus: hoc scientes, quod, sicut in illa, quæ in cœlis Ecclesia, diversi sunt ordines beatorum spirituum, ita in haec quæ adhuc in terris est, diversi sunt ordines fideium; et sicut inibi non corruerunt, nisi elati et invidi, ita in locum illorum non sunt ascensuri, nisi humiles et charitatem habentes.

B Tu igitur, frater in Christo dilectissime, cum tuis pœnitentibus et peccata sua, et totius populi lugentibus, ingredere in petram, abscondere in fossa humo a facie timoris Domini, et a gloria majestatis ejus, cum surrexerit percutere terram, jejunii, orationibus, vigiliis, lacrymis, et jugi meditatione cor tuum exercendo, et spiritum tuum scopando, Dominum Jesum consolatorem omnium gementium fiducialiter precare, et pedes humanitatis interim supplex amplectere ac tene, donec misereatur tui, qui miseretur omnium, et nihil odit eorum, quæ fecit dissimulans *peccata hominum propter pœnitentiam* (*Sap. xi*). Ego autem cum fratribus meis pauperibus Christi, minimus servorum Dei, qualecumque vasculum in templo Domini, ultimus eorum qui serviant tabernaculo fœderis, pro viribus meis arcum testamenti cum cæteris sacerdotibus Dei portabo, cum ministrantibus fideliter ministrabo, populum Christianum ad terram promissionis properantem, ad expugandas carnales concupiscentias, et ad debellandas spiritualis nequitiae turmas tubis divinæ Scripturæ humiliter excitabo, donec, victis hostibus, muri Jericho corruant, donec Hethæus et Amorrhæus, et Chananæus, Pherezæus, et Evæus, Gergesæus, et Jebusæus divino gladio intereant, donec Madian, et Sisara, et Jabin, et Oreb, et Zeb, et Zebbee, et Salmana divina percussione cadant (*Psal. lxxxii*), donec, superatis Philisthæis et omnibus cæteris adversariis, omnes in cœlestem Jerusalem, quæ sursum est, quam secundum tribus suas ad confitendum nomini Domini (*Psal. cxli*) cum gaudie ascendamus, et in templo pacifici Salomonis diem solemnem in condensis (*Psal. cxvii*), sive in frequentationibus constituamus; ubi vas electionis, et quæ vasa in honorem, non in contumaciam facta suum officium habebant; ubi cessantibus jam exemplaribus verorum deposito velamine cum pontifice magno semel non exituri Sancta sanctorum

C D

intrabimus : ubi liber singulorum aperietur, ut e cognoscamus, sicut et cogniti sumus ; ubi facie ad faciem Regem in decore suo semper vide bimus (*I Cor. xiii*), et semper videndo, semper videre desiderabimus : ibi scientia sine errore, ibi memoria sine oblivione. Interim autem quandiu peregrinamur a Domino (*II Cor. v*), sive scribimus, sive aliiquid dicimus, sive invicem commonemur, aut commonemus, sive aliiquid facimus, omnia in nomine Domini faciamus (*I Cor. x*) ; nec in alterutrum

A judicia sumamus, sollicite eaventes et orantes nō tentet nos Satanás, cui resistendum est in fide (*I Petr. v*), non in contentione : nam *Deus superbis resistit, humilibus autem dat gratiam* (*Jac. iv*). In omnibus ergo, quae vel mea parvitas, vel tua dictat fraternitas, semper mansura, semper integra, semper inconvulsa, semper intacta, semper rata, semper sana, semper firma superemineat charitas. Amen.

ANSELMI HAVELBERGENSIS EPISCOPI DIALOGI.

(Dom D'ACHERY, *Spicil.*, tom. I, p. 161.)

PROLOGUS.

Ad Eugenium III pontificem maximum (3).

EUGENIO domino, ac semper intuendo et amplectendo, beatissimo sacrosanctae Romanæ Ecclesiae papæ, **ANSELMUS** pauper Christi, Havelbergensis Ecclesiae insufficiens episcopus, obedientiam absolutam in Domino.

Cum in præsentia beatitudinis vestræ essem mense Martio apud urbem Tusculanam, inter multa quæ sanctitati vestræ mecum conferre placuit, dixistis mihi quod quidam episcopus legationem Constantinopolitani imperatoris et epistolam Græcis apicibus conscriptam perferens, ad sedem apostolicam nuper venerit. Dixistis etiam quod idem episcopus Græcorum litteris plurimum instructus, et decenti sermonum facundia ornatus et confusus, multa de doctrina et ecclesiastico Græcorum ritu proposuit, quæ doctrinæ Romanæ Ecclesiae minime concordant, et a ritu ejus (4) valde discrepant. Et ipse quidem nonnullis auctoritatibus sanctorum Scripturarum ad suum sensum violenter retortis, universa in quibus Græci a Latinis discordant tanquam recta visus est affirmare; ea vero, in quibus Latini a Græcis discrepant, tanquam non recta visus est instruare: illud nimis quod suum erat, quia suum erat, non quia verum erat, per omnem mo-

B dum probando; hoc autem quod nostrum, quia nostrum et non suum erat, omnino improbando. Inter quæ maxime, sicut dixistis, *de processione Spiritus sancti* disputavit, quem Græci quidem a Patre tantum, Latini vero a Patre et Filio procedere credunt et dicunt: et [de] ritu sacrificii in altari, quod Latini quidem in azymo, Græci vero in fermentato celebrant, nec non de quibusdam aliis satis argumentose in quæstionem positis.

Unde, quoniam ego aliquando Magni Lotharii Romanorum imperatoris augusti legatus sui in Constantinopolim, et ibidem aliquam moram faciens, multas super hujusmodi doctrina et ritu collationes et quæstiones, modo in privatis, modo in publicis, tam Latinorum quam Græcorum conventibus habui, placuit sanctitati vestræ et præcipiendo rogare, et rogando præcipere, quatenus ea quæ vel ego ibi dixerim, vel ab illis dicta audierim et excepterim, in unum colligerem, et quasi Ἀνττετετρῶν, id est librum contrapositorum, sub dialogo conscriberem, quatenus universa quæ vel ab eis super his dicuntur, vel quæ eis rationabiliter opponuntur, providentia vestræ tanto liberiori judicio examinanda subjacerent, quanto verius ea discretioni

(3) Codex: *Incipit prologus Anselmi Havelbergensis episcopi in Ἀνττετετρῶν contrapositorum sub dialogo conscriptum, ad venerabilem papam Eugenium III, anno 1145, tempore S. Bernardi.*

(4) *Et a ritu ejus.* Sic emendavit Baluzius; antea legebatur, et exitu ejus. In hoc prologo nonnullas voces quæ omnino necessariæ erant, intra uncos adjectimus.